

EKONOMI & KERJA

MENANGANI KRISIS DAN KEMELESETAN



BANTUAN KEWANGAN JADI PENDORONG: Bantuan kewangan yang diterima Cik Arina Rashid dilihat sebagai pendorong baginya menyumbang kembali kepada masyarakat terutama dalam bidang guaman. – Foto BH oleh KHALID BABA

Lulusan undang-undang ingin sumbang kembali pada masyarakat

“

Jika tidak kerana bantuan semua ini, mungkin sukar untuk saya memberikan tumpuan penuh pada pelajaran.

... Pada masa hadapan saya berharap untuk mengurangkan jurang atau mengatasi jurang antara minat seorang pelajar terhadap pendidikan serta perbelanjaan besar yang terkait dengannya.

– Cik Arina Rashid

APABILA bapanya diberhentikan kerja dalam bidang makanan dan minuman semasa beliau di tahun kedua di Universiti Pengurusan Singapura (SMU), menurut Cik Arina Rashid itulah saat yang paling mencabar dalam tempoh pengajiannya.

Sebagai anak yang sulung daripada tiga adik-beradik, Cik Arina yang mengikuti bidang guaman di SMU berkata beliau mengambil serius bebanan kewangan untuk membiayai yuran tuisyen universitinya.

Demi menyara perbelanjaan peribadinya, Cik Arina berasa bertanggungjawab untuk bekerja keras dan melakukan pelbagai jenis pekerjaan.

Ini termasuk melakukan beberapa tugas bekerja sambil belajar atau *internship*, memberi tuisyen, melakukan kerja-kerja penyelidikan dan pelbagai kerja.

“Selain itu, saya juga perlu melaksanakan tanggungjawab saya sebagai anggota jawatankuasa pengurusan bagi kokurikular saya, sukan *floorball* dan Atlit Undang-Undang SMU.

“Dengan pelbagai tanggungjawab yang perlu dipikul, ternyata ia merupakan satu laluan amat emosional bagi saya,” kongsin-ya.

Mujur teman rapatnya di sekolah yang mengetahui tentang keadaan yang sedang dilaluinya banyak memberikan sokongan emosional kepadanya.

“Ini yang memberi saya motivasi untuk melakukan yang terbaik dalam pelajaran saya dan keputusan saya bertambah baik sejak itu,” tambahnya lagi.

Selain itu, beliau juga telah memohon untuk mendapatkan Biasiswa Kementerian Pendidikan (MOE) dan Subsidi Yuran Tuisyen Pengajian Tinggi (TTPS) Mendaki ba-

gi membantunya membiayai yuran tuisyen universiti.

“Jika tidak kerana bantuan semua ini, mungkin sukar untuk saya memberikan tumpuan penuh pada pelajaran,” katanya yang turut telah menerima Biasiswa Kece-merlangan Mercu-SMU pada tahun ketiga pengajian.

Berkat kerja keras dan juga bantuan kewangan yang diberikan, baru-baru ini, Cik Arina telah meraih Sarjana Muda Undang-Undang (Magna Cum Laude) dari SMU.

Menghargai bantuan kewangan yang diberikan terutama di tengah-tengah krisis kewangan yang dihadapi keluarganya, Cik Arina berkata ini secara tidak langsung mendorongnya untuk menyumbang semula kepada masyarakat.

Beliau telah bermula dengan memberikan khidmat guaman pro bono dengan klinik guaman masyarakat untuk mengetahui bagaimana peguam tempatan boleh menyumbang balik kepada masyarakat.

Cik Arina juga telah menjadi sukarelawan secara fizikal di Pusat Pro Bono Guaman SMU serta dalam talian menerusi Portal Web LegalHelp.

Kata bekas pelajar Maktab Rendah Rafles ini:

“Pada masa hadapan saya berharap untuk mengurangkan jurang atau mengatasi jurang antara minat seorang pelajar terhadap pendidikan serta perbelanjaan besar yang terkait dengannya.”

Cik Arina bakal memulakan program pelatih dengan syarikat guaman Dentons Rodyk bermula Januari tahun depan selepas menamatkan kursus mandatori Part B, sebelum dibenarkan menjadi peguam berkelayakan di Singapura. – SHAHIDA SAR-
HID